



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Pacis Westphalicæ Publica

Oder Westphälische Friedens-Handlungen und Geschichte

Worinnen enthalten, was vom Anfang des Jahrs 1647. biß gegen Ende desselben zwischen Jhro Römisch-Kayserlichen Majestät, dann den Beyden Cronen Franckreich und Schweden, ingleichen des Heiligen Römischen Reichs Chur-Fürsten, Fürsten und Ständen, zu Oßnabrück und Münster gehandelt worden

Meiern, Johann Gottfried von

Hannover, 1735

VD18 90566467

N.II. Der Kayserlichen Resolution in puncto Assecurationis & Executionis Pacis.

[urn:nbn:de:hbz:466:1-52129](https://nbn-resolving.org/urn:nbn:de:hbz:466:1-52129)

1647.
Dec.

Causam Marpurgensem quod attinet, notum est, illam præter jus fasque suscitatum esse, ac quo minus hæc componi potuerit, à parte Domina Landgravia Hasso-Cassellanae stetit. Hinc etsi nihil magis æquum Imperiique Constitutionibus congruum esset, quam ut Domino Georgio Hassia Landgravio ejusque terris illata à prædictis Domina Vidua, & Dominis Landgraviis Hasso-Cassellanis damna immensa, atque excidia resarcirentur & restituerentur, quietis tamen publicæ amore & ubi hæc secuta fuerit, prænominatus Dominus Landgravius Georgius promittit, se Juribus istis ad repetendas damnificationes atque injurias sibi competentibus renunciaturum esse, ut tamen vicissim Transactio Anno 1637. inter utramque Lineam amicabiliter juratoque inita, atque à Cæsarea Majestate suffragante Collegio Electorali, nec non Rege, Principibus Ecclesiasticis & Secularibus ad utriusque partis instantiam intercedentibus, confirmata, in omnibus Articulis & Clausulis rata firmaque permaneat. Quod si verò Cassellani se hoc gravari putent, consentit prædictus Dominus Landgravius Georgius, ut salvis supra memoratis cæterisque Juribus, actionibus, exceptionibus & beneficiis, quæcunque tandem ipsi competunt, atque competere possunt, restituisque sibi prius omnibus à Cassellanis in terris ipsius occupatis locis, causa ipsa, ut quæ sua natura huc non pertinet, vel coram Judicibus libera utriusque partis voluntate ad id in hoc loco denominandis, intra certum definitumque tempus, & modo, qui utriusque maximè videbitur esse expediens, legitime secundum jura ventiletur atque decidatur, vel ut juxta Pacta Gentilitia amicabilis Transactio instituat & negotium hoc componatur &c.

1647.
Dec.

N. II.

*Dictar. Ofnabr. d. 17. Dec. 1647. sub
Dir. Altenburg.*

Der Kayserlichen Gesandten Resolution, in puncto Affecurationis & Executionis Pacis, exhibita d. 16. Dec. 1647.

Quod ad Affecurationem Executionemque Pacis attinet, cum omnium intersit, Articulum hunc clare & dilucide exprimi, ne ex dubio verborum conceptu ulla retardatio aut turbatio Pacificationis enasci possit: omnibus consideratis totam hanc materiam sequenti forma exponendam & definiendam esse, censent Cæsareani.

Pacem hoc modo conclusam promittunt Cæsarei & Regii, Ordinumque Plenipotentiarum, respectu ab Imperatore & Regina Sueciæ, Sacrique Imperii Romani Electoribus, Principibus, & Statibus ad formam hic mutuo placitam ratihabitum iri, seseque infallibiliter præstituros, ut solemnia ratihabitionum Instrumenta intra spacium trium mensium præsententur & reciproce riteque commutentur. Statim verò à die subscripti & signati hujus Instrumenti, cesset omnis hostilitas, & quæ supra conventa sunt, executioni utrinque mandentur.

Deinde etiam omnes & singuli utriusque partis captivi, citra discrimen fagi vel togæ, eo modo, quo inter Exercituum Duces cum Cæsareæ Majestatis approbatione conventum est, aut etiamnum convenietur, liberi dimittantur.

Vierdter Theil.

Nnnnn

Omnia

1647.
Dec.

Omnia utriusque partis militaria præsidia, sive Imperatoris & Imperii ejusque Sociorum & fœderatorum, sive Reginae Regnique Sueciæ & Landgraviæ Hassiæ, eorumque fœderatorum & adherentium aliove quocunque nomine imposita fuerint, è locis restituendis sine damno & noxa Civium, incolarum & Provinciarum pari passu deducantur.

1647.
Dec.

Loca ipsa, Civitates, Urbes, Oppida, Arces, Castella, fortalitia, tam quæ per terras Imperatoris Domusque Austriacæ Hæreditarias, quam per Imperium ab utraque parte occupata & detenta, vel per modum Armistitii unius vel alterius partis concessa sunt, pristinis & legitimis suis possessoribus, & Dominis, sive Mediatæ sive Immediatæ Imperii Status sint, aut Immediatæ Imperii gaudeant, per totum Imperium, tam Ecclesiasticis quam Secularibus, tum etiam Nobilibus Immediatis, absque mora restituantur, liberæque eorum dispositioni de Jure & Consuetudine, vigoreque præsentis Transactionis ipsi competenti permittantur, non obstantibus ullis donationibus, in feudationibus, concessionibus aut aliis quibuscunque Titulis in priorum legitimorum Dominorum possessorumve præjudicium acquisitis, cessantibus etiam Pactis & Fœderibus huic restitutioni adversantibus: Salvis tamen iis, quæ in præcedentibus Articulis sive Reginae Regnoque Sueciæ in Satisfactionem concessa, sive aliter speciatim excepta & disposita sunt, atque locorum occupatorum restitutio dicto modo, tam à Cæsarea Majestate quam à Regia Majestate Sueciæ & utriusque fœderatis & adherentibus, fiat reciproce bona fide.

Restituantur etiam Archiva aliaque mobilia, quæ in dictis locis adhuc salva reperiuntur, sed tormenta bellica cum suis annexis reliquoque apparatu bellico ibidem reperta, ibidem quoque relinquuntur. Quæ vera aliunde eo inuenta sive in præliis capta, sive ad usum & custodiam eo per occupantes illata fuerunt, iisdem quoque secum exportare & avehere liceat.

Teneantur subditi cujusque loci decedentibus necessarios currus, equos & naves, pro omnibus necessariis avehendis ad loca destinata, absque pretio subministrare, quos & restituere debent præfecti præsidiorum hoc modo discedentium, sine dolo & fraude.

Reddita vera, sive maritima & limitanea sive mediterranea fuerint, dicta loca ab ulterioribus omnibus occasione horum bellorum introductis præsidiiis perpetuo posthac libera sunt.

Denique belligerantium in Imperio partium Copiæ & Exercitus, prævia conventa Satisfactione, dimitrantur & exauctorentur, eo tantum numero in suos cujusque proprios Status traducto, quem quæque pars pro sua securitate judicaverit necessarium.

Pro majori horum omnium & singulorum Pactorum firmitudine & securitate, sit hæc Transactio perpetua Lex & Pragmatica Imperii Sanctio, proximo Imperii Recessui inferenda & impofterum æque ac aliæ Leges & Constitutiones Fundamentales Imperii, nominatim per ipsammet Capitulationem Cæsaream corroboranda, obligans non minus absentes quam præsentés, Ecclesiasticos atque Politicos Imperii Status, & alios, eaque tam Cæsaris Procerumque Consiliariis, quam Tribunalium omnium Judicibus & Assessoriis tanquam regula, quam perpetuo sequantur, præscripta.

Contra hanc Transactionem ullumve ejus Articulum, & clausulam nulla jura Canonica vel Civilia, communia vel specialia Privilegia, Indulta, Edicta,

1647. Edicta, Commissiones, Inhibitiones, Mandata, Decreta, Rescripta, Litispendentia &c. quocunque tempore lata Sententia, Res Judicata, Religioforum Ordinum Regulae aut Exemptiones, Protestationes, Contradictiones, Investiturae, Transactiones, praeteriti aut futuri temporis, seu dediticia seu alia Pacta, multominus Edictum Anno 1629. vel Transactio Pragensis aut Concordata cum Pontificibus, aut Interimistica Anno 1548. nec etiam ulla Statuta, sive Politica sive Ecclesiastica, Decreta, Dispensationes, Absolutiones, vel ullae aliae quocunque nomine & praetextu excogitari poterint exceptiones unquam allegentur, audiantur aut admittantur, nec usquam contra eam in Peritorio aut Possessorio seu Inhibitorio aut alii Processus decernantur. Qui vero huic Transactioni consilio vel ope contravenerit, vel executioni & restitutioni repugnaverit, sive Clericus sive Laicus fuerit, poenam Fractae Pacis incurrat.

1647.
Dec.

Pax vero conclusa nihilominus in suo robore maneat, teneanturque omnes hujus Transactionis consortes, Imperator & Rex Catholicus non minus quam Sueciae Galliaeque Reges & Imperii Status, universas & singulas hujus Pacis leges contra quemcunque tueri & protegere, & siquid eorum a quocunque violari contigerit, laesus laedentem inprimis quidem a via facti, ut convenit, dehortetur, causa ipsa vel amicabile compositioni vel juris disceptationi submissa; Veruntamen si neutro horum modorum intra spatium trium Annorum terminetur Controversia, teneantur omnes & singuli dicti compromissores, junctis cum parte laesa consiliis viribusque arma sumere, ad repellendam injuriam a passo moniti, quod nec amicitiae nec juris via locum invenerit, salva tamen de caetero non minus Caesarea quam Regiae Majestati Catholicae per Imperium & sua Regna terrasque hereditarias, quam Regiae Majestati Sueciae Galliaeque respective per earum Regna & Provincias, Jurisdictione Justitiaeque juxta cujusque Status Leges & Constitutiones competentis administratione.

Hac Pacificatione comprehendantur ex parte Serenissimi Imperatoris omnes Suae Majestatis foederati & adhaerentes, inprimis Rex Catholicus, Dominus Austriaca, Rex Angliae, Rex Poloniae, Dux Lotharingiae & caeteri Sacri Romani Imperii Electores, Principes, Status, Libera Imperii Nobilitas & Civitates. Item Rex Daniae, omnes Principes & Respublicae Italiae, Ordines Foederati Belgii & Helvetiae Rhetiaeque, Princeps etiam Transylvaniae.

Cum ita de Pace hac inter Partes tandem per Dei gratiam conventum sit, ut nihil restet, nisi ut de distributione stativorum, donec militi satisfiat, conveniretur, a scopo vero Pacis in toto hoc Tractatu utrobique habito plane alienum sit, eam ob causam armis decertare, proinde placuit, ut quamprimum post conclusam & subscriptam hanc Pacem de distributione & solutione Exercituum, tam Imperialium quam Suevicorum, amicabiliter transigatur: salva semper & irrevocabili manente Pace, cujus nec stabilitatem nec executionem hac de distributione stativorum & solutione militis incunda conventio ullatenus irritare vel differre possit vel debeat.

In quorum omnium & singulorum fidem majusque robur tam Caesarei quam Regii, ut & Electorum, Principum ac Statuum Imperii Plenipotentiarum, praefens Pacis Instrumentum manibus sigillisque propriis muniverunt & firmarunt. Osnabrugis in Westphalia die - - Mens. - - Ao. Domini 1647.